

۲۰۰۱ TRIBUN 6, Q1

KOD: TR666

تریبون ۶، ۲۰۰۱

مهر آیینین بیری ایراندا و گونی آذربایجاندا مدرسه‌لرین آچیلش گونو مناسبتیه  
 «ایسوجه آذربایجان فدراسیونو» باش کمیته‌سی نین آذربایجان ملتینه مراجعتی.

دیرلی سویداشلار، عزیز هموطنلر

هر بیر ملتین وارلیغینین باشلیجا گوستریجی سی و کیملی یی تملی اولان انا دیلیدیر.  
 انا دیلی ملی مدنیتیمیزین اچاری و ملی روحوموزون سودور. اناگوره ده دونیانین ملی  
 شعورا یی یه‌لنمیش، لتلری ئوز انادیلینین قورونماسی، گلشیمه سی ویو کسلمه سی  
 اوغروندا مبارزه اپاریر و بومبارزه نی ئوزونون ان شرفلی، ملی بورجلاریندان بیری ساییر.  
 چوخ تأسف کی ۲۱ اینجی عصرده قدم‌قویدوغوموز ایندی کی دورده بئله ایران اسلام  
 جمهوریتی په‌لوی رژیمی نین فارس شونیزمی سیاستی نی دوام اتدیره رک گونی  
 آذربایجاندا ۳۰ میلیونلوق ملتیمیزین انادیلینی، آذربایجان تورک‌دیلینی ارادان اپارماق ئوچون  
 هر جور واسطه یه ال اتماق‌دایر. تورک دیلی دونیانین قدیم، زنگین و گلشیمیش دیللردن  
 بیری اولسادا، فارس شونیزمینین انتی تورک سیاستینین قربانینا چوریلیمیش بیزلر انادیلیمیزه  
 گری نیجه یی یه‌له نه بیلیمه می‌شیک. بو چاتیشما مازلیغی ارادان قالدیرمادان  
 ملتیمیزین خوشبخت گله جیندن دانش‌ماغا دیمز. انسانلاریمیزین معنوی دونیاسینی  
 زنگینلشدیرن، دیلیمیزین و ادبیاتیمیزین اخونماسی و تبلیغی واز کئچیلیمز حاققیمیزدیر.  
 اوزون ایللر بویو یادلارین بیزه قارشلی یازدیغینی فرقینه وارمادان اخودوق. هامی ملت  
 دینده بیزه ملتیمیزدن، دیلیمیزدن دانش‌ماق یاساقلاندی. ملتلر اراسیندا بیزی طالعین گرکسیر  
 وارلیغینا چئویرمک ایسته دیلر. یاد دیللرده دوشوندویوموزدن تاریخیمیزه، بو گونوموزه حتی

بیربیریمیزه یاد اولدوق بیربیریمیزین مهربانلیغینی بئله دویمادیق. ینی یتمه و گنج لریمیزی یاد دیلده اخوداراق یاد دوغویا ایشدیرماق بیزیم اوچون باغیشلانیلماز قصوردور.

بوگونکو نسل وارلیغیمیزا قارشی زهرلی تبلیغات دورونون یتیرمه سی اولسادا وارلیغیمیزی بیزه داندیرماق ایسدیینلره وار اولدوغوموزو ثبوت ائتمگده بیزیم ئوزریمیزه دوشور. ملی ساواداسیزلیق حکم سوردویوندن ملتیمیز ئوز کوکسونده یاشاتدیقی، ایچینده بئجه ردیی دوغولاری دیله گتیره بیلیمیر. بونونلادا گوزل ارزولاریمیز و حیات امال لاریمیز تاپدالانیر. انا دیلیمیزین اخونماسی وانودولماسی بیزیم ملی فاجعه میزدیر. اوشاقلاریمیزی ایسته دی میز کیمی تربیه اتمک حقوقوالیمیزدن الینمیشدیر. مدرسه لر اچیلارکن اوشاقلاریمیزی مدرسه یه گوندررک انلاری ملی روحوموزا یادلاشدیریرق. بونونلادا ئوزوموزده بیلمه دن اوزوموزه غنیم کسلیمیش اولوروق. دیه رلی یورتداشلار

مهر ایی نین بیرینی مدرسه لرین اچیلیش گونونو انا دیلی گونو اعلان اده رک، «بیلیک» گونونه چئویرک. «بیلیک» گونو یالنیز انا دیلیمیزین مدرسه لرده اخونماسی ایله گرچک لشه بیلر. ملی فاجعه میز الان ملی ساواداسیزلیقا انا دیلیمیزین مدرسه لرده اخونماسیله صون قویماق الار. بو ایسته میزی گئرچکلشدیرمک ئوچون اذربایجانلیلارین ایران دولتینه، ازل لیکله پرزیدنت خاتمیله دفعه لر له مراجعتی جاوابسیز قالمیشدیر. ئولکه پرزیدنتی ئولکه وطنداشلاری نین رسمی سورغوسونا جاواب ورمیر. بتون بو سایمامازلیقلاراباخمایاراق انا دیلیمیزین اخونماسی گونده لیک ایسته میز المالدیر. ایران پرزیدنتی و حکومت ارگانلاری اذربایجانلیلارین حاقلی ایسته یی نه لاقید یاناشسادا انلارین نظرینه چاتدیرماق ایستردیک کی انسانلار یالنیز هانسی سا ئولکه نین وطنداشی الماسیله دییل بلکه الکه ایچره هانسی ملته منسوب اولدوقونوندان قانونی و انسانی حاق الده اذیر.

انودولماسین کی بوگون ایراندا اصلاحاتین گئرچکدن حیاتا کئچمه سی اُلکده یاشایان ملت لرین و خالقلارین ازل لیکله چوخلوق تشکیل ادن تورک لرین: دئملی اذربایجانلیلارین، ترکمن لرین، قشقایلی لرین، خراسان و خلجستان ترکلرینین دسته یی ندن

اسیلی دیر. تورک لرین قانونی و انسانی حاقلارینی عملده تانیمدان بو دسته یی قازانماق ممکن اولماز.

دیه رلی یورتداشلار

بتون چتین لیک لره، باخمایارق انا دیلمیزین اخونماسی اغروندا چالیشمامیز قانونی و سیویل متدلاردان بهره لنمک له داها کسکین داوام اتمه لیدیر. ملی فاجعه میز ساییدیقیمیز ملی ساوادسیزلیقاصون قویماق ئوز الیمیزده دیر. بو مسئله هیچ بیر سیاسی عامل له ایلگیلی دییل دیر. بو بیزیم انسانی حاققیمیزدیر. سیاستی ماهنا اده رک دیلمیزین مدرسه لرده اخونماسینی یاساقلایانلار بیلمه لیدیرلرکی انسانلارین انا دیلینده تحصیل الماسی سیاسی حادثه دییل دیر. بو تانری نین بیزه وردیگی حاق دیر. انو کیمسه نین دین و سیاست ادیندان استفاده اده رک الیمیزدن الماغا حاقی یوخدور. انادیلینده اخوماقلا یادداش مدنیتیمیزی گوجلندیرمک، ۱۰۰ ایللردن بری دوام اده ن بیوک ادبیاتیمیزین هومانست گلنه کلرینی و تاریخی یادداشیمیزی یاشاتماق ملتیمیزین دانلماز انسانی حاقیدیر. بواستک ایران اسلام جمهوریتی نین دقبول اتدی بیولشمیش ملتر تشکیلاتی نین انسان حاقلاری بیاننامه سینه اویغون و قانونی دیر.

بیلدی میز کیمی تورک ثلاله لرینین ۱۰۰۰ ایللیک حاکمیتی دورونده ترک دیلی و ادبیاتی ایله یاناشی فارس دیلی و ادبیاتینا دا قایغی گوسترمه بییمیزه باخمایارق ۱۹۲۵ (۱۳۰۴ شمسی) نجی ایلده فارس پهلوی لرین دوروندن باشلایارق تورک دیلینده تدریس رسمی اولارق یاساقلاندی.

کتابلاریمیز یاندیریلدی، کیملیمیز دانیلدی. بو سورج ایران اسلام جمهوریتی دورونده ده دوام اتمیشدیر. بو گونده پهلوی رژیم دورونده اولدوقو کیمی تحصیل سیستمی بتون لوک له فارس شونیزمی نین پنجه سینده دیر. ایران تاریخی ادیله یازیلان کتابلاردا تورک لرین تاریخی، ترسه یوزولور. تورک پادشاهلاری و سرکرده لری تحقیر ادیلیر. خارجی دیللردن ترجمه ادیلن کتابلارا آل گزدریلیر. ملتیمیزین ملی وارلیغینی و تاریخی کئچمیشینی عکس

اتدیرن یازیلار همن کتابلاردان چیخاریلیر. بیر سوزله بو گون ایراندا، علم اجاقلاریندا، اخونان کتابلارین دیلی بیزه یاد اولدوقو کیمی، یازیلاریدا بیزه قارشی یونلمیش انتی تورک اصول روحیه سی ایله اشیلانمیش ماتریالدان باشقا بیرشی دییل دیر.

دیه رلی یورتداشلار

بو پرابلمره صون قویماق ئوچون بیزی بتون نقطه لرده بیرلشدیرن اُرتاق وجدانیمیز اُلان انادیلیمیزدیر. دیلیمیزین یاساقلانماسی دشمن لریمیز طرفیندن بیزه قارشی یونه لن قصد و غرضدیر. اُنلار نه اتدیکلرینی یاخشی بیلیرلر. بیر ملتین یا باشینی کس یا دیلینی الیندن آل عینی شی دیر. دیلیمیزین اوزون ایللر یاساق الدوقوندا آلدیقیمیز معنوی ضربه لره، و ئوزونتولره صون قویماق واختی چاتیمیشدیر. هر ملتین ضعیف و قوتلی جهت لری الدوقو کیمی بیزیمده اوز خاراکتیریمیز وار. بو خاراکتیرین فرقلی خصوصیت لریندن بیری ده حاقیمیزی الماق باجاریقی دیر.

دیه رلی یورتداشلار: ملتی میزی ایسوجده تمثیل ادن اذربایجان فدراسیونو سیزه مراجعت اده رک طالعیمیزده بیوک انم داشییان دیلیمیزین گلیشمه سی، یاد تأثیردن قورونماسی، رسمی دولت قایغنسینا الینماسی و مدرسه لرده اخونماسینا نائل اولنا قدر چالیشمامیزی داوام اتدیرمه یه والیمیزدن گلنی اسیر گه مه مه یه چاغیریر.

ایراندا یاشایان تورک لر او سیرادان ترکمن لر، قشقای لری، خراسان ترکلری و خلجستان اهالی سی ایله قوشا چالیشاراق انسانی حاقلاریمیزین الده ادیلمه سی اغروندا سیزلره اغورلار دیله بیرک.

مهر اینین بیری نی انادیلی، بلیک گونو اعلان اده رک بوتون ملتیمیز طرفیندن هر ایل قید الونماسینی ارزولاییریق.

آذربایجان فدراسیونون باش کمیته سی

ایسوج ۰۹۰۹ ۲۰۰۰